



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Baptistae Bvrgi De Dominio Ser[enissi]mae
Genvensis Reip. In Mari Ligvstico Libri. II.**

Borgo, Pietro Battista

Romae, 1641

De Genuensium potentia. Cap. X.

urn:nbn:de:hbz:466:1-13096

tionibus præstiterunt, atque ita se gesserunt, ut absque iactatione dicere possimus, ab ijs cæteras gentes in hac parte fuisse superatas.

De Genuensium Potentia.

CAP. X.

SECVTI itaque maiores nostri naturalem ad arma propensionem, suaque virtutes ad incrementum Reipublicæ, in gentem naualium sociorum numerum aiebant, quibus, cogente necessitate, numerosam classem instruerent. Ac propterea cum in expeditionem exirent, cum deducebant nauium, & triremium numerum, quem nostrorum temporum Principem nullum vidimus deduxisse. Legimus anno CIOCCXLVII. a Virginis partu, aduersus Sarraænos ad Almeriam expugnandam, e Genuæ portu, classem sexaginta trium triremium, ac centum sexaginta trium onerariarum varij nominis, & magnitudinis, omni apparatu instructissimam soluisse. Anno etiam CIOCCXCVI. ab Idibus Iulij vsque ad XVIII. Kal. Septēbris, comparata potētissima, deducta que est CLXV. triremium classis (præter alia nauigia variæ magnitudinis, quæ supra centum erant) qua XLV. armatorum millia vehabantur; Atque in tantis faciendis apparatibus ea celeritate utebantur Genuenses, ut citius nauigare, quam ornari

1. Foliet. hist. Genuen. l. 1. Fr. Leand. Albert. in Liguria.

2. D. Antonin. in Chron. nic. par. 3. tit. 20. c. 8. §. 7. Bizar. de bell. Venet. l. 1. Foliet. loc. cit. l. 6.

Genuen-

nari

210 De Dominio Ser.^{ma} Gen. Reip.

1. Bizar. de
bell. aduer.
Frider. 6.

2. Ibid.

3. Bizar. de
bell. Pisar.
l. 2.

4. Ibid.

5. Pius V. in
Asia minori
c. 97. nostri
Annales plus
temporis in
hoc apparatu
insumptum
narrant.

6. Foliet. loc.
cis. alij.

7. Cantacuz.
l. 2. c. 29.

8. Idem l. 3.
c. 95.

nari eorum classem fama vulgaret. ¹ Aduersus
Fridericum secundū Cæsarem anno CIOCCXL.
vnius diei, ac noctis spatio, ad multarum facium,
ac tædarum splendorem, duæ & quinquaginta
triremes ornatae sunt, ² vt etiam biennio post, in-
tra triduum, septuaginta, ³ ac totidem alia eodem
temporis interuallo, anno CIOCCCLXXXIII.
contra Pisanos; & antequam ille annus exiret,
plus quam ducenta prodierunt; anno vero ⁴ se-
quenti, in eisdem hostes, ab hora tertia diei,
vsque ad Solis occasum LVIII. sunt instructa,
cum alia insuper nostra classis nauigaret. ⁵ Ac
deniq; vt cætera omittā, ann. CIOCCCLXXXIII.
ad vlciscendam a Cyprio Rege acceptam iniu-
riam, quadraginta diebus, potentissima classis
est deducta, quæ breui tota ea Insula expugna-
ta, captiuum Regem Genuam reuexit. Sed quid
mirum si Resp. ac ciuitas nostra bellum tanto
gessit apparatu, quando priuati etiam ciues ma-
gnis Principibus negotium facefferunt? ⁶ Megor-
lus siquidem Lercarius, duabus triremibus instru-
ctis, Trapezuntio Cæsari non modo bellum in-
dixit, sed illum etiam ad petendam pacem ade-
git. ⁷ Dominicus Cattaneus vndecim triremibus
Genuæ suo sumptu armatis, vna è Sicilia sibi ad-
iuncta, quinque a Delijs acceptis, comparataq;
omnino classe septemdecim triremium, Andro-
nico Iuniori, Græcorum Cæsari, intulit bellum,
cuius ⁸ successorio Ioanni Paleologo nonnulli alij

Genuen-

ILGEL

Genuenses ciues priuatis impendijs, triginta duabus triremibus instructis Chium Insulam ademere. Confisi itaque suis potentia, ac viribus Genuenses, cum potentissimis Principibus, bellum suscipere, vbi ius, & occasio postularret, nunquam recusarunt: cumque id a Galliarum Rege aliquando immineret, ideoque Mediolanum, ad res componendas, Legati conuenissent, & iniqua nostris conditiones proponerentur, Dux, & Magistratus noster suos iusserunt re infecta discedere, professi non minus grauitur, quam modeste, *se Christianissimum Francorum Regem ita venerari, & colere, vt non metuerent.* Duci quoque Burgundia, potentissimo tunc temporis Christiana Reip. Principi, bellum indixere, ni naues aliquot exterorum, ab ipsius Nauarchis in Euxino captas, restitueret. Susceptum vero bellum nulla vnquam ges aut fortius repulit, aut intulit ferocius quam nostra. Celebre vtriusque exemplum (vt alia omittam) praebent duo Caesares; ac repulsi quidem ¹ Fridericus Secundus Germanus, cuius vastae potentiae cum potentiores Italiae populi accessissent, nostri tamen soli, priuatis viribus, diu resistere. Illati vero ⁴ Ioannes Cantacuzenus Graecus, qui post deuictas a nostris suam, ac Venetorum, & Catalaunorum classes, Constantinopoli obsessus, eo tandem redactus est, vt imperata facere sit coactus: quibus in bellis cum vna tantum gente pugnatum non est, sed cum pluri-

1. Dux Ianua
& officiu pro-
uisoru Bapr.
de Bano, &
collegis lega-
tis apud Me-
diolanum. In
epist. Regum,
& Principu.
2. Raphael
Dux, & Com-
siliu Ianua,
Duci Burgun-
dia. In iisdem
epistolis.

3. Bizarr. de
bell. adu. Fri-
deric. Folier.
loc. cit. lib. 4.
alij.

4. Gio. Villan-
ni p. 1. lib. 2.
c. 72. Cantac-
uzen. lib. 4.
c. 31.

212 De Dominio Ser.^m Gen. Reip.

1. Bizar. de
bell. Pisan.
l. 2. de bell.
Venet. l. 2.

2. Sigon. de
regn. Ital. l. 18
Platin. in
Innoc. IV.
Corio hist. di
Milan. ann.
1244.

3. Platin. in
Urban. VI.
Folier. loc.
cit. l. 9.

4. Sigon. d.
l. 18.

5. Extat in
strumen. obli-
gationis in
Tabulario Se-
renis. Reip.

6. Pius II d.
e. 97. alij.

7. Ibid. &
extat instru-
men. transa-
ctionis fa-
cta cum
Petro Rege
Cypri ann.
1374. 21. O-
bobyis inpra-
dicto Tabula-
rio.

pluribus, vt etiam sæpe alias, cum¹ Pisanis, Ve-
netis, Catalaunis, & Narbonensibus Gallis. Ne-
que tanta potentia sunt abusi Genuenses, sed ea
plerumque, aut in Christianæ Reipublicæ hostes,
in bello Syriaco, aduersus Sarracenos Hispaniæ,
& Africæ sunt vsi; aut ad tutelam Apostolicæ Se-
dis impijs, sacrilegisque ipsius violatoribus eam
opposuerūt, cuius beneficij seruati² Innocentius
Quartus, &³ Urbanus Sextus, Romani Pontifices,
atque ex hostium manibus erepti, nobilissimi
sunt testes. Hac potētia non modo toto mari fu-
gati Sarraceni; Sed etiam⁴ Corsica, & Sardinia
expulsi, & in hac Regnum Arboreæ institutum,
cuius⁵ Rex nostræ Reip. cliens, & fiduciarius,
præter annua tributa, multa que alia, quæ ei erant
præstanda, Palatium habere in vrbe nostra, & ter-
tio, aut ad summum, quarto quoque anno, ad
eam accedere tenebatur. Eadem potentia⁶ Re-
gnum Insulæ Cypri iustis armis, ob crudelissi-
mum in ciues nostros admissum facinus, in po-
testatem redactum est, & Rex cum vxore in ca-
ptiuitatem abductus, cui tamen postmodum mi-
ra benignitate, & clementia restitutum est Re-
gnum, ⁷ quod cliens Reip. effectus gubernaret,
imposito annuo tributo quater decies millium
floreorum aureorum, præter vicies centies, &
duodecies mille, & quadringētos, intra duodeci-
mum annum, pro expensis factis in bello, persol-
uendos, aliaque onera, ac iussuper retenta sibi

cau-

cautionis causa Famagusta, totius Regni opulentissima Ciuitate, nostrorum præsidio Regijs sumptibus custodienda, donec Rex constitutum æs persoluisset, reliquaque conuenta adimpleret, ac satisfacere, se annum tributum soluturum, pro quibus omnibus præterea a Rege obsides sunt dati. Græci vero Cæsares propensè amicitiam, & foedus cum Genuensibus ambientes, innumeris priuilegijs ciues nostros decorarunt, præter quæ Emanuel¹ Comnenus peculiare etiam forum, & sacras ædes in vrbe ipsa Constantinopoleos assignauit, cum annuo quingentorum perparorum tributo, a Cæsare Reip. soluendo,² quod Michael Palæologus confirmauit, addita donatione ciuitatis Smyrnæ, alijsque multis priuilegijs, iurisdictionibus, & immunitatibus, & sexaginta alijs perparis, quotannis Archiepiscopo Genuensi. Et postquam Constantinopolitanum Imperium hic Michael, nostrorum ope, recuperauit,³ Galatam in ipsius Imperatoris vrbis cõspectu, egregie nauatæ operæ præmium, & tanquam sibi futuram præsidio, Reip. Genuensi donauit,⁴ quam nostri, deducta colonia, sumptuosis templis, amplissimisque Palatijs (ad eorum structuram, aliunde allatis columnis ingentibus, candidisq; marmoribus) exornarunt, quæ adhuc extant, eaque colonia diutissime aduersus Turcarum impetum est defensa. Vterius etiam est amplificata Reip. & victricia arma in ipsam Tartariam illata,

1. Foliet. loc. cit. lib. 1. Michael Palæologus in diplomate priuilegiorū Genuen. quod habetur in d. Tabular.

2. In d. diplomate.

3. D. Anton. in Chronico. p. 3. tit. 19. c. 7

4. P. Gyllius in Topograph. Constantinop. l. 4. c. 11. Cantacuz. lib. 2. c. 29.

214 De Dominio Ser.^{mz} Gen. Reip.

1. In tractat. politic. Anonym. d. Tartar. c. 3.

2. Martin. Brionou. in Tartar.

3. Ibid.

4. Ibid.

5. Ibid.

6. Ibid. & Cātacuz. l. 4. c. 26. Thuan. hist. l. 67.

7. In d. tract. politic. c. 3.

8. Thuan. & Brionou. loc. cit. Boter. relat. p. 3. l. 1.

in¹ qua non modo aromatum negotiationem sunt aggressi Genuenses, quæ in Occidentales regiones deferrent, sed plura etiam loca suæ ditionis fecerunt: sic² Sudacum (quod Sidagios Græcis est) arx triplici muro circumdata, a nostris extracta, templis, ædificijsque magnificis ornata, ac diu aduersus Turcās defensa fuit. Azaphum³ quoque ad Tanaim a nostris positum, & Iamboldum in Taurica Chersoneso, Græcis ereptum, amplificatum, portuque, propugnaculis, ac splendidis ædificijs (quorum ruderera adhuc apparent cum titulis, & insignijs) exornatum fuit.⁴ Cercum item, ac e regione Tamanum, aliæque ad ostium Mæotidis arces fuerunt ædificatæ⁵ Caffa autem, quæ olim Theodosia dicebatur, Orientis, ac totius Euxini emporium celeberrimum, portu & commercio, ac Bibliotheca insignis, a nostris condita, nostra adhuc colonia est, quamuis Turcis inserviat, & adhuc in ea templorum, ac ornatissimarū ædium extant vestigia, in quibus hoc etiam tempore Catholico ritu Deo sacra fiunt,⁷ ipsique Caffenses a nobis se originem ducere gloriantur. Sed a nobis oriundi quamplurimi Auriarum, Spinularum, Grimaldorum, aliarumque nobilium Genuensium familiarum cognomina⁸ præferentes, Sortassi (quo post amissam Caffam secesserunt) alibique in Tartaria adhuc habitant, & Christianam, Catholicamque religionem profiten-

tentur, ¹ e quibus Patrum nostrorum memoria Antonius Spinula ad Stephanum Battorium, Poloniae Regem, Orator a Tartarorum Chamo missus est, & alius ex eadem gente Spinula nostris temporibus, ut intelleximus, in ea Tartarorum legatione fuit, qui ad Sigismundum III. Poloniae etiam Regem venere. Et in summa, ea fuit Genuensium potentia, ² ut non totam Liguriam solum, & Corsicam, sed & Sardiniam, Cyprum, Chium, Galatam, Samastram (urbem in Taurica Chersoneso, iuxta flumen Parthemium, Amastrim veteribus) Soldaiam, Gembalum, Caffam, aliasque praecipuas Orientis vrbes, suo imperio subiecerint; tantaque eorum nominis per uniuersum Orientem erat autoritas, ³ ut Genuensis moneta Calecuti etiam apud Indos cognita esset, ac recepta.

1. Laurent. Von Vuenfin. in oratione p. Italia apud Langium cō. sult. de principat. inrepro. Europ.

2. Bizar. hist. Genuen. l. II. Lang. loc. cit. B. Method. hist. c. 6.

3. Aloyf. Cadam. nauig. l. 2. c. 54.

Mare Ligusticum a Sarracenorum Tyrannide vindicant Genuenses, et sub imperium, ditionemque subiungunt.

CAP. XI.



TQVI de Genuensium gestis praestaret omnino siluisse, quam pauca narraſſe, ut fecimus, ne forsitan, haec legentes prauidicium faciant, censeantq; uniuersa Genuensium egregia, gloriosaque facinora a nobis fuisse enumerata, ubi pauca admodum e no-

D d 2 stris